

بكل هدوء !!!

طلعتى غير ما فكرتك
وجه اليوم اللى إذا خسرتك
هاكون كسبان
خسرت رهان
ومش ندمان عشان سيبتك



وادينى ماشى بكل هدوء
ما كان لازم ف لحظة افوق
ما انا الغلطان وانا المحقوق
عشان عمرى ما يوم شوفتك
بجد ف الخداع شاطره
برافو عليكى لا قادره

والف تحية على فكره

صغرت لما كبرتك



وماشية معايا بالمقلوب

ميزاتي كات معاكى عيوب

يدوب فترة وبس يدوب

وهاسكت مش هاجيب سيرتك

وهاتبرأ اكيد منى

ده لو يوم الحنين خدنى

هاموت روحى ولا إنى

اخطى تانى مملكتك ..

